

REGEM MONARCHAM  
CHRISTIANUM  
SEPTIMUM

PIUM FELICEM PACIFICUM

QVUM  
NATALIS FELIX DIES

FAUSTO POPULORUM GAUDIO

DANI ET NORVEGI

RITE CONCELEBRARETUR IV. CAL. FEBR.

A. CH. N. MDCCLXXXIV.

EA QVA PAR EST REVERENTIA OB GRATUM ANIMI

PATRIAE PATRI

DEVOTISSIMI MONUMENTUM

SCRIPTA AB

OTTONE HALTORI FIL. VIDALINO.

HAVNIAE

EX OFFICINA STEINIANA.

27. April 1844

VETUS ORACULUM:

ἔσθμιον πτολίεθρον ἐνὸς κήρυκος ἀκούον.



Jón Bergsríngur.

**O** Rex bonorum gloria principum:

Vitchindianae flos et originis;

Qva surgit exporrecta tellus

Oceano, bonitate dudum

Intaminata notus; et Aethiops,

QVEM luculentis tollere honoribus

Molitur; Indus qve, et nivalis

Dacus, et Americae remotae



Gnavus colonus suspicit: addita,

Vides, ut aris, muneribus Deos

Placet benignos; et secundum,

TE PATRIUM venerata NUMEN,

Biformis Arctos propitium roget

Servare terras; et facilem, TUA

Cum GENTE sospiti per aevum,

Continuam refovere olivam.

Schioldus ne quondam evolvere perspicax

Longos nepotes? Dania fortium

Nutrix virorum, atque imbecilli

Hesperiae metuenda, dixit:

Jam jam Britannus; jam vehemens Iber;

Celtae quae denso turbine praelii

Fracti recedent: languidis quae

Roma superba gemit cruorem



Stagnis tumentem, non prius anxia

Ferro ac ruina: sed Theodorici

Nomen Beati; CHRISTIANUM,

Prospicio qve, animosiori,

Ter centum aheni perpetuo asperas

Marti catenas tendere, SEPTIMUM:

Belli qve lugubris, profunda

Tum requies erit usque curis.

Cedat qve flecti nescius Hercules;

Magnum, lacerto non tolerabili

Quamvis fatigarit leonem; et


Raucifona, dederit, sagitta

Portenta Lernaee multiplicis retro.

Hic, mille doctam colla virefcere,

Sternet voluptatem; et ferocem

Pigritiem; scelerum qve torvas



Prae se phalanges; victor aget probo

Decens triumpho, nec numerabiles:

Virtute inauratam qve, felix,

Restituet mediocritatem

Aeruginosis sedibus. Hic, suo,

Late exulantes, praesidio teget

Mitis Camenas; et relictio,

Havniacas patietur oras

Fovere Pindo. Hic, Baltico, idoneam

Junget vetusto (discite posteri)

Thalassiam; non ulitata,

Conspicuas opibus, marito,

Pinus amantem ducere semita.

Qvid? aeviternum frigus? et horridos

Cacumina, ignavis pruinis,

Sulfura qve imperiosa, cogor,



Narrare montes? Hic, cinerem ultimum, et  
Demersa flammis triste sonantibus,  
Islandiae formidolosae  
Rudera; semianimem quæ turbam  
Levabit (ecquæ secla stupefcere  
Producta justum sufficiant) Jovis,  
CHRISTIANE, mandato supremi,  
Attonitum TIBI findet aeqvor  
Neptunus; undis, celsa quæ, ovariantibus  
Choro quæ ponti, littora proferet:  
TIBI, perinsignes columnas;  
Et titulos faber excitabit,  
Mixto calori pondere, Lemnius  
Recens caminis. TE, Ceres arduis  
Evincta spicis; TE, nitentum  
Pan ovium decus, et magister

Clarabit agris; hinc Deus Aufidum  
Pertaeus amnem, falciger, urbibus  
Nostris adimplebit metallum,  
Incolumi redivivus auro.



Jón Borgfirðingur.